
UCh MAHALLA YoShLAR YeTAKChILARINING HAMKORLIGI



UCh MAHALLA YoShLAR YeTAKChILARINING HAMKORLIGI

Mahallalarda o'z faoliyatini boshlagan yoshlar yetakchilari ayni kunda o'zaro hamkorlik asosida ham ko'p xayrli ishlarni amalga oshirishayotir.

Rovon, Istiqlol va Navobod mahalla fuqarolar yig'inlari yoshlar yetakchilarining hamkorlikdagi faoliyati tufayli mahallalar kesimida jamoalar shakllantirib, fevral oyi yakunida sportning mini-futbol turi bo'yicha musobaqalarga start berilgan edi.

Qizg'in va qiziqarli kechgan mazkur musobaqalarning final bisqichiga yetib kelgan Rovon mahallasining "A.Temur" jamoasi va Navobod mahallasining "Saxovat" jamoalari o'zaro bellashib, "Saxovat" jamoasi g'oliblikni qo'lga kiritdi.

Musobaqalar yakuniga bag'ishlab o'tkazilgan tadbirda faxrli o'rinlarni egallagan jamoalarga musobaqa tashkilotchilari, tuman prokurori va homiylarning diplomlari, esdalik va qimmatbaho sovg'alari tantanali tarzda topshirildi.

Eslatib o'tamiz, mazkur musobaqalar jarayonida viloyat hokimi o'rinbosari Fayzullo Qosimov va Yoshlar ishlari Agentligining viloyatdagi rahbari Muhammadamin G'aniyevlar ham qatnashgan edilar.

So'x tumani hokimligi Axborot xizmati

2022-03-09 18:19:50